



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe


AUGUSTÆ Vindel. & DILINGÆ, 1707

VD18 12383155

cap. 2. Respondetur ad quæsitum cum cautionibus necessariò servandis
cum res sunt dubiæ.

[urn:nbn:de:hbz:466:1-47773](http://urn.nbn.de/hbz:466:1-47773)

emplo, contenti sumus relinquere per intervalla DEUM, non alio fine, quām ut ejus amore laboremus. Sed quid hoc totum ad rem facit, & ad probandum, quod Anima introduci possint ad quamcunque Contemplationem, non solū absque metu, sed etiam cum merito, dum in ipsa vita Contemplativa plurimæ sunt illæ, quibus DEUS negat gratiam Contemplandi? Si allata S. Thomæ verba accipienda sunt ita crudè, ut jacent, absque eo, quod ostendatur, quem in finem, quā cautione, quibus in adjunctis prolata sint, credet vulgus, majoris meriti rem esse, applicare rusticum aliquem ad contemplandum, quām fodendum: *Magis enim acceptum est DEO quod aliquis animam suam & aliorum, applicet Contemplationi, quam actioni. Quia autem ista est pietas, si Doctori Intellectus Angelici affingimus Doctrinam, quæ humanum etiam tantopere dedecret?*



Caput II.

Respondetur ad quæsumum cum cautionibus necessariis servandis, cùm res sunt dubiae.

I.

IN rebus certis, nullus consultationi locus est, est in dubiis. Certa res est, in principiis vitæ spiritualis, nisi DEUS contra consuetum ordinem operetur, Animas, quantum fieri potest, ducendas esse viâ Meditationis. Certa res est, quod in progressu, cùm paulatim Meditatio plus incipit habere Amoris, quām ratiocinationis, possint Anima-

træ, imò debeant, suaviter introduci ad Contemplationem, quæ dicitur acquisita, permittendo iplis omnem libertatem gaudendi, quandocunque possunt, & fruendi DEO suo præsente. Certa res est, quòd ne quidem cùm ad apicem perfectionis ventum est, tentandum unquam sit, ut introducantur Animæ ad Contemplationem Infusam; sed debent tantùm opportunè juvari, & illis subministrari admicula, cùm eam sunt consecutæ, propter tam versutas artes, quibus maligni hostes, qui sunt Rivaes Animarum DEO præ ceteris catarum, sæpe in iis imitari possunt illos raptus, illas apparitiones, illas blandicias, illa amica colloquia, quibus plerumque erga eas Sponsus uti consuevit.

Supereft, ut statuamus, quomodo se gerere debeant Directores Animarum in casibus ambiguis; quando scilicet, rebus etiam diligenter discussis, decernere secum non possunt; sînte magis idoneæ ad Contemplandum, an verò ad meditandum, alterutro genere Contemplationis? Mea, etiam re ita ambiguâ, sententia est, ut eas detineant in Meditationibus; idque dupli ex capite. Primum est; quia Meditatio magis convenit coûniter omnibus ob milie curas, nunc privatas, nunc publicas, quibus implicantur. Alterum, quia etiam ubi istæ desunt, multò satius est semper paulatim progredi in perficiendo ædifico, quam præpostérè festinare ad tectum illi imponendum, non sine gravissimo discrimine tantam molem fundamentis infirmis & vacillantibus imponendi. Isthoc consilium posterorum memoriaræ scriptis consignatum reliquit Cajetanus in suis ad D. Thomam glossis tam laudatis; ubi scripsit, quòd si Animæ attollantur ad vitam Contemplativam, antequam probè exercitæ, experientiâ probatæ, & solidè stabilitæ sunt in Activa, periculum esse subeundi in ea re laboris tam ir-

Cajetan^{is} riti, quām magni, & ædificandi in arena. Notent, qui
 2. 1. q. 181 alios in via DEI instruunt ad profectum spiritualem, & dili-
 art. 1. ad 3. genter efficiant, ut prius in vita activa exerceri faciant, quos
 edocent, quām ad Contemplationis fastigium suadeant. Opor-
 tet siquidem prius Passiones domare, habitibus mansuetudinis,
 patientiae, liberalitatis, humilitatis &c. & easdem sedare,
 quām ad Contemplativam vitam attendere. Et ob defectum
 hujus multi non ambulantes, sed saltantes in via DEI, post-
 quam multum temporis vitae suæ Contemplative dederunt, va-
 cui virtutibus inveniuntur, impatientes, iracundi, superbi,
 si in hujusmodi tanguntur. Et propterea tales nec activam,
 nec Contemplativam, nec ex utraque compositam habuerunt,
 sed super arenam fabricarunt. Et utinam non sit frequens de-
 fectus iste! Hucusque Cajetanus, tanto me magis in his ne-
 gotiis versa us.

Nec dubium, quin defectus, quem tantus interpres
 frequentem dixit, ille sit, qui omni ætate plus etiam quām
 oportebat, suspectam reddidit exercitationem tam præ-
 claram, qualis est ista Contemplationis. Apparet, quod
 post illum accident concussions graves, graves lapsus, qua-
 lex vix acciderent ante illum. Hoc tamen non nascitur
 ex natura Ideæ, quæ est sapientissima: nascitur ex gravi
 nonnullorum incuria, ad quos spectat ejus executio; aut
 quia locum parum idoneum eligunt, aut quia non satis
 profundè fodunt, aut quia importunè festinant; cum ni-
 mis quām conforme naturæ sit illud desiderium etiam sapi-
 entum Architectorum; quo flagrant, supremam manum
 operi suo impositam cernendi, dum adhuc superstites sunt.
 Qui ergo errorem ejusmodi admittere noluerit, necesse est,
 ut nunquam dirigat Animas ad Contemplationem subli-
 mem,

mem, priusquam probè didicerint, quæ ratio in meditando tenenda sit.

Meditatio ex genere suo refertur ad stabiendum Fidem, ad extirpanda vitia, ad virtutes roborandas, & ad anitum Christi Domini imitandi studio inflammandum. Hinc dicitur, ut supra notatum est, quod Meditatio spectet ad vitam activam. Ubi hoc præcesserit, quantum satis est ad periculum vitandum, tunc tempus est, ut anima progrediatur ad illam Contemplationem, quæ vitæ Contemplativæ nomenclationem tribuit, ubi secus, non progrediatur. Qui Rachelem sponsam vult, Liam priùs sibi despondeat oportet, lippam illam quidem, sed multarum egregiarum prolium matrem: id enim nî fiat, esset hoc vel ipsum Jacobum felicitate velle superare, qui Rachelem tanto tempore deperiit, etiam postquam jam alteri junctus fuit, ferendo eum in finem tam multa æstus frigorisque incommoda. Post Liæ Complexum ad Rachelem Jacob pervenit, quia S. Greg. perfectus quisque ante Activæ vitæ ad facunditatem jungitur, super & post Contemplativæ ad requiem copulatur. Ita S. Gregorius. Ezech. ho-

14.

II.

ET quænam, si locus est veritati, Oratio, cum minore errandi metu teneri potest, quam illa, quam Ecclesiasticus suo nos ore docuit? vult ille, ut primo mane vix albescente aurora è strato se proripiatur non calonum aliquis, non famulus à pedibus, non muliercula aliqua semifatua, quæ vix primos characteres noscere didicerit, sed Homo tam sensatus, ut ipsæ adeò divinæ Literæ Sapientis ei nomen tribuant. *Cor suum tradet Sapiens ad vigilandum diluculo ad Eccl. 46. Dominum qui fecit illum.* Et quâ, quæso, oratione vult ille v.9. uti

A a 3

uti

uti Hominem tam sapientem , non incipientem , non profici-
entem , sed assecutum omnem perfectionem suis numeris
absolutam ? an illum vult surgere ad Contemplationem ,
quæ supra nubes inveniri possit , altissimam ? Nihil minus .
Vult ante omnia , ut facultates suas excitatas habeat ad ex-
ercitationem meditationis , cuius figura est vigilia : non
autem sopitas illa dulcissima , & divinissima quiete , ob
quam tam multi Contemplationem appellârunt somnum .
*Cor suum tradet ad vigilandum diluculo ad Dominum qui fe-
cit illum.* Quod idem est ac dicere , ut alij legerunt : *Cor*
Cor. à Lap. *suum applicabit ad querendum studiosè Dominum factorem*
in hunc locum. *Etsi ambigi prudenter non possit , quin Sapiens ejus .*
modi jam aliàs quoque eundem DEUM perfectè repererit ,
quem tamen magis , magisque querere satagebat . Sed ita
res procedit . Quieti facultatum in Bono amato , æquum
est , ut semper præmittatur vigilia in ipso investigando ,
perinde ac si nunquam fuisset inventum : hoc enim est
Loc. 21. Is. *quod ipsummet à nobis desiderat . Si queris , quare , hoc*
est , non tibi semel quasi sufficiat , ut ajebat S. Hieronymus ,
sed quem inveneris , semper quare . Inde ut palam fiat , ex-
ercitare omnes tres nostras facultates in querendo DEO ,
nullo modo esse injurium ejus præsentia , ut alias nonemo
scribit , Ecclesiasticus ipse certo consilio exprimit , totam
hanc inquirendi diligentiam , de qua dixerat , adhibendam
à Sapiente in conspectu Altissimi .

Transit subinde Ecclesiasticus ad manifestandos affe-
ctus , in quos Sapiens , DEO suo invento , prorumpit . Sunt
autem isti comunes ambulantibus in via purgativa : Com-
mendare se DEO instar miserandi alicujus , in arte orandi
planè Tironis , fateri noxas à se admissas , illas execrari ,
deplorare , & veniam summa animi demissione petere :

Apt.

Aperiet os suum in Oratione, & pro delictis suis deprecabitur.

His ita peractis, quid porro fiet? His peractis, pergit Ecclesiasticus, fiet, ut DELIS, si ita ipsi videbitur, dictum Sapientem ad sublimem Contemplationem attollat; hoc autem asserere intendit illis verbis. *Si enim Dominus magnus voluerit, spiritu intelligentiae replebit illum.* Non ait: *Intelligentia replebit illum;* sed, *spiritu intelligentia:* Intelligentia nimis tam exquisitâ, tam sublimi, tam omnis corporeæ concretionis experie, ut possit dici, spiritus Intelligentiæ, sicut subtilissimum quod fornacula calore ex sale distillat, spiritus ejus salis vocatur; sicque quod è substantia quacunque eliquatur, ejus substantiæ spiritus appellatur. Atque hoc Intelligentiæ spiritu testatur Ecclesiasticus ita replendum Sapientem, ut exundet etiam: *spiritu intelligentiae replebit illum.* Hoc enim proprium est Contemplationis Sapienti donatæ, vas mentis elevatae planè replere spiritu illo perfecto intelligentiæ, & ita abundanter, ut omnem in partem exundet; unde addit Ecclesiasticus. *Et ipse tanquam imbris mittet eloquia sapientiae sua.* Aliquando enim eò progredietur, quò progressa est S. Maria Magdalena de Pazzis, cuius in Ecstasi raptæ ex ore aurea pluvia spargebatur. *Et in Oratione Confitebitur Domino.* In ipsa Oratione laudando DEUM ratione tam sublimi, & sensu seraphico potius, quam humano.

Anne autem ad tantam altitudinem pertingere potest, quisquis initio orationis illius eminentis incumbet ad operandum opere suarum facultatum tanto animi candore? Ita sanè ad tantam. Non oportet accedere ad orationem animo patiendi Ecstases, imò tam non oportet, ut dedebeat etiam,

etiam. Et idcirco quid tandem emolumenti existet ex eo, quod quis initio statim orationis procul à se repellat omnes imagines, omne ratiocinium, omnes affectus, quos homo suāmet operā & viribus potest producere? sic agere, mēa quidem opinione non solum non promovet, sed potius impedit Contemplationem, ut aliás jam animadversum est səpiùs. Nimis enim quām difficile est, ut illi oculi, qui tanto lucidiores sunt supra solem, non aliquos semper in hoc deprehendant atomos ambitionis. Præferenda ceteris omnibus est regula, quam sequitur Sapiens in oratione, eujus ante meminimus. *Cor suum tradet ad vigilandum diluculo ad Dominum qui fecit illum. Et in conspectu altissimi deprecabitur. Aperiet os suum in Oratione, & pro delictis suis deprecabitur.* Subinde autem, quae ipse efficere non potest, nisi adjuvetur ope & adminiculis insolitis, homini non debit is, & plus quām cælestibus, de iis curam & cogitationem uni DEO relinquit. *Sienim Dominus Magnus voluerit, spiritu Intelligentiae replebit illum.*

III.

VNum est, quod hīc ego dissimulando non præteribo. Quod nimirum Ecclesiasticus Sapienti suo hīc non prescriperit, ut Meditationem suam, pro more hodie servati solito, in puncta distingueret ac distribueret. Et verò hæc distributio scriptori alicui nostræ ætatis tantum faceſſivit negotij & molestiæ, ut non obſtantे quod profiteatur spiritum superiorē omni sensu, & sensibili, illam tamen dissimulare non potuerit. Observat igitur acutissimè, *Quod quatuor sint Regulae principales Religiosorum, ex quibus ut ille loquitur, plures aliae derivatae sunt, s. Basilius videlicet, s. Benedi-*

Benedicti, S. Augustini, S. Francisci, & tamen harum nulla unquam præscripsit Meditationes in tria aut quatuor puncta, per viam præceptorum. Unde videtur ipse planè absolum judicare, quod hac ætate, nullâ habitâ ratione tam præclarí exempli, Meditationes dividantur in certa puncta.

Ista sanè mihi videtur esse res momenti perqnam exigui. Neque enim ex eo, quod Meditationes in certa puncta dividantur, lege imperatur, ut illa omnia meditando percurrentur. Imò disertè præscribitur, ut inventâ in primo puncto desideratâ consolatione, ad alia porro non festinetur. Quis est, qui cùm plurim ferculorum ordinatissimum convivium apparaverit, idcirco velit, ut convivæ singula illa absumant? Comedat quisque, quod lubet. Nihilominus haud scio, cur idem Author non ad aliud potius, observatione non minus dignum, animum adverterit. Est autem hoc. Quod ex quo introducta est accuratior hæc distinctio punctorum Meditationis, eam confessim concordistudio amplexi sint illi ipsi Ordines Religiosorum, omni digni commendatione, quos reliqui ut parentes venerantur. Si enim singulos eorum lustrare voluerimus, inventiemus complures ex iis viros Sacræ Asceseos sanè quam peritos, qui vel ipsi prælo in lucem publicam dederint Meditationes in puncta divisas, aut ita divisis singulari animi demissione sint usi: haud aliter ac ipsi illi, qui sua priùs convivia apparabant sine ullo ordine, nunc etiam certatim Mensarum structores expertissimos & laudatissimos quaerunt, ut hodiernæ se consuetudini conforment, cibos ac fercula eo ordine in mensam inferendi, qui & sapientior & salubrior existimatur. Quin, an non dicit ipsemet, eo loco, ubi in sua præfatione rationem reddit, cur ipse Contemplationem, ante hac omni reginâ liberiorem, certis

B b

voluc-

voluerit legibus adstringere, an non inquam dicit: *Quod Ecclesia semper proficiat in lumine, quodque Antiqui nihil eorum ignoraverint, non tamen potuerint illa videreredita in talem ordinem, & tam bellè explicata, sicut ea hodie videre est: longi enim anni longam experientiam pepererunt.*

Dignetur nunc ipse suam doctrinam præsenti argu-
mento applicare, cui illa fortassis magis est accommodata;
& definet posthac ullam ex iis rebus præseferre molestiam,
quæ passim ab omnibus, sine ulla Christianæ pietatis jactu-
ra, imò cum emolumento manifesto, receptæ damnari non
possunt; nisi cùm circa ipsam substantiam, & cor quod-
ammodo, aliquid mutatur; quod cor & puncta & punctu-
ras perinde sentit, ac si non dissimili modo vulnerarent.

Sed quid ego? Nolle equidem videri, quod vitupe-
ria, quibus in hunc punctorum usum nonnemo inventus
est, me quoque tetigerint; ut qui & ipse libel'os aliquos in
lucem ediderim Meditationum in puncta divisarum. Di-
cam proin apertè, quod res est. Hæsi aliquamdiu dubius,
deberémne respondere aliquid objectioni tam frivolæ, qua-
lis est ista, cui nunc refellendæ insisto; cùm ipsa facta sit
non tam fastidio punctorum, in quæ ad eam facilitandam
dispescitur meditatio, quam fastidio ipsarum meditatio-
nū, quæ sua in puncta distributæ usui esse consueverunt. Ju-
dicavi tamen denique, ne ista quidem verba sine fructu à me
prolatum iri; neque enim ego libellum hunc scripsi gratiâ
eorum Patrum spiritûs, qui cùm & multo usu & profectu
sint, nequaquam opus habent illâ, quam ego ipsis præfe-
ram, tenui face ad falsum retegendum. Eorum potius
gratiâ scripsi, qui cùm tantum luminis adhuc habere non
possint, nolle equidem, ut ipsi lectis argumentis Autho-
ris, tantam rerum peritiam jactantis, quibus impugnat
omnes

omnes meditationes in puncta divisas, ut novas, idcirco
noxias Orationi censerent, non dicam Meditationes Ex-
ercitiorum S. Ignatii (hæc enim, ut jam indicatum est, Pon-
tificij diplomatis autoritate satis jam munita sunt) sed alias
ejus generis, quales publici juris fecerunt Ludovicus Gra-
natensis, Segala, Spinola, Capella, Costerus, Franciot-
tus, Brunus, de Barry, notissimus Ludovicus de Ponte,
& alij plurimi, quibusque passim Christiani summo suo
emolumento utuntur. Quid multis? S. Franciscus Sale-
sius aliud non fecit, quam ut Meditationes ita divisas aliis
proponeret. Quin & suum ad usum sic divisas semper
ille adhibebat, ita, ut quisquis aliquam habet notitiam for-
mularum loquendi ipsi usitatarum, facile recordatur sit,
quod quoties ille mentionem inferre voluit Orationis eo
mane peractæ, plerumque illam solitus sit appellare suum
punctum. Non est operæ pretium, varios hic ex eo textus
scribere. Unum afferam, ex quo etiam discere licebit,
an Sancti tam ab omni imaginabili & intelligibili avulsi
procedant in sua Oratione, quam id nonnemo cupit; et si
eorum sint Sanctorum è numero, quos idcirco DEUS
Mundo indulxit, ut palam fieret, ne terris quidem suos Da-
vini amoris Vesuvios deesse. Dicam tibi cogitationem ali-
quam (sic scribit cuidam sacrarum Virginum Visitationis
Præfectæ) quæ mihi nuper admodum in mentem venit horâ
maturinâ, quam ego servo promisera anima mea. Punctum
meum erat super illa petitione Orationis Dominicæ, Sanctifice-
tur nomen tuum. O DEUS (ajebam) quando tam felix tan-
dem ero, ut videam nomen JESU sculptum in profundo cordis
illius, quæ illud circumfert impressum suo pectori? Venerunt
etiam mihi in mentem palatia Urbis Parisinæ, quorum in fron-
te leguntur scripta nomina Principum, ad quos ea spectant; &
gaude-

B b 2

gaudebam videre, quod Palatum cordis tui sit Christi IESU; hic ille aeternum habitare velit. Ora DEUM pro me, qui paterno affectu tuus sum &c.

Hæc est agendi ratio eorum etiam Sanctorum, quorum cor majori DEI amore astuat. Non sunt ipsi suis Meditacionibus praefigere puncta, sciunt uti Imaginibus, sciunt uti ratiocinio: sciunt etiam voluntatis affectibus liberum campum permettere; neque idcirco Sancti esse desinunt. Quia immo rata ac fixa habeatur hæc veritas, quæ mihi quidem (ut redeamus ad locum Ecclesiastici, à quo digressi sumus) evidens videtur. Quisquis ad orationem accedit, saltem de lege ordinaria, accedere debet hac intentione & fine, ut faciat orationem, quæ vocatur: *Ascensio mentis in DEUM*; non autem intentione faciendæ Orationis, quæ dicitur: *Ascensio mentis in DEUM suspensa*. Prima ejus generis est, ut sit nostri munericam procurare, & recipere. Et idcirco dicit Ecclesiasticus: *Cor suum tradet ad vigilandum diluculo ad Dominum, qui fecit illum*. Secunda ejus generis est, ut eam recipere potius debeamus, quam procurare: & idcirco addit idem Ecclesiasticus: *Si enim Dominus magnus voluerit, spiritu Intelligentiae replebit illum*. Atque hinc est, quod non debeant in oratione contemni, nec preparatio, nec præludia, neque puncta, neque aliquam utiles observationes; haec enim promovent Ascensionem mentis in DEUM, nec ullo modo impediunt ejus elevacionem, si hæc nos DEUS voluerit dignari: è diverso autem cavere debemus abstractiones quasdam mentis affectatas potius, quam naturales: istæ enim non faciunt, ut DEUS desideratam nobis devotionem conferat; & faciunt, ut ad ascensionem nos operam nostram non conferamus.

Caput III.